

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De secundo

[urn:nbn:de:bsz:31-122776](#)

2. *Aestum perseverunt.* Nam usque ad vesperam in labore perdurant: Ita nos quoque diei pondus & aestum in vinea Domini patienter toleremus, 1. Pet. 4.v.12. non excludendum est ante vesperam ex quadam impatentia, sed perseverandum. Nam qui perseverat usq; ad finem salvus erit, Matth. 10. vers. 22. interim Solis aestum restingue ex fonte aquæ vivæ, quem Christus omnibus fidelibus in Evangelio aperuit, Joh. 4. v.14. & umbraculum quære in gratia divina, Psal. 91.v.4.

De Secundo.

Sequitur pars altera, quæ mercedis distributionem certis quibusdam membris complectitur. Notatur enim

I. *Tempus*, quando factum sit, nimirum sub vespera. Confidite igitur vos mei, non semper erit tempus laboris, non semper durabit aestus, sed aliquando sequetur vespera, aliquando sequetur refrigerium. Interim decurrite in stadio bonorum operum, 1. Cor. 9.v.24. sub vesperam unicuique suus denarius conferetur merces vestra in cœliscopiosa erit, Matt. 5.v.12.

2. *Modus.* Solvuntur enim mercenarii

I. *Mediatè per Procuratorem*, qui est filius Dei, hunc enim cœlestis Paterfamilias constituit Dominum domum, Ebr. 3. v.6. illi omnia in manus tradidit, Joh. 3.v.35. & potestatem etiam dedit judicium facendi, Joh. 5.v.27.

2. *Præpostere*, incipiendo videlicet à postremis usque ad primos. Inde confirmatur parabolæ scopus, quod nimirum hic non distribuatur merces meriti sed gratiæ, alias illi, qui per unicam duntaxat horam laboverant, eundem non accepissent denarium cum iis, qui pondus & aestum diei portave-

rant. Quod contra Pontificios notandum est, qui ex hac parabola varia texunt argumenta, quod vita æterna sit merces nostrorum operum, contra expressa Scriptura dicit, & in primis illud Pauli, Rom. 6.v.23.

3. *Congruè*, juxta pactum. Nam unusquisque accipiebat denarium suum. Reatum est verbum Domini, & omnia opera ejus in veritate, Psal. 33.v.4. non enim vult sibi serviri gratis, Ps. 61.v.6. id quod confirmatur ex Mal. 3.v.13. seqq.

3. *Eventus*, ubi notanda

I. *Quorundam murmuratio.* Quæ oritur partim ex inadvertentia, dum iis, qui saltem unam horam laboraverant, inadvertent denarium, & putant, se plus accepturos. Quod certè Diabolicum vitium à Christianis longè abesse debet, Gal. 5. vers. 15. ubi enim zelus & contentio, ibi τὰν φαῦλον τρέμει, Jac. 3. vers. 16. Partim ex insolentia, dum merita sua jaçtant, aliorumque meritis superciliosè præferunt, quin etiam murmurant contra Patremfamilias, & injustitiae ipsum accusant, quasi dignam ipsis mercedem non exsolverit. Talis erat Phariseus, Luc. 18. vers. 9. & Judæi, Esa. 58. vers. 3. sed damnabilis est ista jaçtantia. Cogitet potius quilibet Christianus, quod omnes justitiae nostræ sunt sicut pannus menstruæ, Esa. 64. vers. 6. & si omnia fecimus, quæ præcepta sunt nobis, nihil tamen merei possumus, sed cogimur fati: Servi inutiles sumus, quod debuimus facere, fecimus, ut Christus inquit, Luc. 17. vers. 10.

2. *Patrifamilias increpatio*, quâ

I. *Pactum repetit.* Amice, inquit, non facio tibi injuriam, nonne denario patrus es mecum? Deus nemini quicquam debet, & si vel maximè nulla in nos conferret

K

præ-

Dominica Septagesima.

premia , tamen injuriam nobis non faceret.
Nihilominus stipulatā manu denariorū pro-
mittit omnibus , qui in vinea sua fideliter
laborant , & ad vesperam usque perseve-
rant. Hoc pactum fecit nobiscum in verbo
suo , & firmiter servat , vide Lev. 26. Deut. 27.
per totum.

2. *Libertatem suam afferit.* Tolle
quod tuum est , inquit & abi , volo autem
huic novissimo dare , sicut & tibi , aut non li-
cer mihi facere , quod volo in rebus meis.
Hinc Augustinus : Miseretur magna boni-
tate , obrurat nulla iniustitia , ut nec libera-
tus desuis meritis glorietur , & damnatus
non nisi de suis meritis conqueratur. Sola
enim gratia redemptos discernit a perditis ,
quos in unam perditionis massam concreve-
rat ab origine ducta causa communis. Hac
est èdoxia τῆς θελήματος ἀντε. Sed non ab-
soluta , quod Calviniani intendunt , sed in
Christo ordinata , Eph. 1.v.5.

3. *Invidiam reprimit.* An oculus tuus
malus est , inquit , quod ego bonus sim ? que
locutio est metonymica , quia invidia ple-
runq; torvo oculorum aspectu exprimitur.
Deponamus igitur invidiam , sicut modò
geniti infantes ? 1. Pet. 2. vers. 1. & conversus
de salute impetrata gratulemur exemplo
Angelorum , Luc. 15.v.10.

4. *Scopus* , qui in solidum adversus ju-

stitiarios directus est , ut subiecto Christus
docet epiphonemate.

Notetur igitur

1. *Conclusio* , qua in his verbis consistit :
Sic ultimi erunt primi , & primi erunt ulti-
mi , quā sententia Pharisæos & quo vis justi-
tiarios operum merita superstitione urgen-
tes retundit. Dum enim primi esse volunt ,
ultimi sunt , & è regno Dei planè excludun-
tur. Cæteri autem , qui à sola Dei gratia
submisæ pendent , primi evadunt , & salutem
æternam consequuntur , ut patet etiam ex
parabola Luc. 18.v.14.

2. *Annexa ratio* , quam à diversa vo-
catorum & electorum sorte Christus deri-
vat , & multj inquit , sunt vocati , pauci elec-
ti. Ubi per synecdochēn vocabulum multi
collective sumunt pro tota hominum mul-
titudine prout etiam usurpatur Dan. 12. v.2.
Vocatio enim ad omnes omnino homines
dirigitur , Es. 65.v.2. Prov. 1. v.24. Matth. 23.
vers. 37. Electio verò non est universalis sed
particularis , propter solam incredulitatem
hominum , quā se plerique indignos faciunt
vita æterna , Act. 13.v.46.

Videamus nos , cum arcta sit via , quæ ad
vitam ducit , lata verò quæ ducit ad interi-
um , ut per arctam portam intrare contem-
damus , & paucis hisce electis aggregemur ,
Matth. 7.v.13. Luc. 13.v.24.

Dominica Sexagesima.

Evangelium Luc. 8. vers. 4. 15.

D Ivis Johannes in Apoc. c. 8. vers. 13.
scribit , se vidisse Angelum in celi
regione volitantem , qui voce magnâ

in clamaverit : Væ , væ , væ , habitantibus in
terra.

Per Angelum hunc intelligi potest pri-
mariò